



Broj: JN1-03-16-7-10-18/23
Sarajevo, _____.____.2023. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14 i 59/22), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017. godine, na preporuku Komisije za nabavke iz Zapisnika o pregledu i ocjeni ponuda, broj: JN1-03-16-7-10-17/23 od 30.10.2023. godine, u konkurentskom zahtjevu za nabavku robe – Autentifikacija logon/logoff kartica za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi:

ODLUKU O IZBORU NAJPOVOLJNIJEG PONUDAČA

I

Prihvata se preporuka Komisije za nabavke iz Zapisnika o pregledu i ocjeni ponuda, broj: JN1-03-16-7-10-17/23 od 30.10.2023. godine i Ugovor o nabavci robe – Autentifikacija logon/logoff kartica za potrebe Parlamentarne skupštine Bosne i Hercegovine, za period 12 mjeseci, dodjeljuje se ponuđaču **LOGOSOFT d.o.o. Sarajevo**, IDB 4200236190009, ul. Grbavička br. 4, 71 000 Sarajevo, čija ukupna cijena za isporuku predmetne robe, prema Ponudi, broj: 049-01-SA/23-T od 27.10.2023. godine iznosi 19.992,38 KM sa uračunatim PDV-om.

II

Izabrani ponuđač je u ponudi dostavio dokaze o kvalificiranosti u pogledu lične sposobnosti za nabavku robe – Autentifikacija logon/logoff kartica za potrebe Parlamentarne skupštine Bosne i Hercegovine, te iste nema obavezu dostavljati ponovo

III

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena.

IV

Ova Odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke robe – Autentifikacija logon/logoff kartica za potrebe Parlamentarne skupštine Bosne i Hercegovine, broj: JN1-03-16-17-10/23 od 07.06.2023. godine. Ukupna procjenjena vrijednost nabavke iznosila je 17.094,02 KM bez PDV-a odnosno 20.000,00 KM sa PDV-om. Predmet nabavke nije podijeljen na lotove. Shodno zakonskim odredbama provođenju javne nabavke prethodila je prethodna provjera tržišta konstatovana pismenom zabilješkom o prethodnoj provjeri tržišta od strane nadležnog IT sektora.

Komisija za nabavke imenovana je Rješenjem o izmjeni Rješenja o imenovanju komisije za javne nabavke Kolegija Sekretarijata, broj: JN1-03-16-7-10-1/23 od 07.06.2023. godine. Javna nabavka provedena je putem konkurentskog zahtjeva za dostavu ponuda.

Tenderska dokumentacija (ponovljeni postupak), broj: JN1-03-16-7-10-12/23 od 16.10.2023. godine, objavljena je u sistemu „E-nabavke“, kao i Obavještenje o nabavci broj: 166-7-2-23-3-40/23 objavljeno dana: 18.10.2023.godine i u „Službenom glasniku BiH“ broj: 73/23 od 20.10.2023. godine.

Komisija za javnu nabavku dostavila je Kolegiju Sekretarijata Zapisnik o pregledu i ocjeni ponuda, broj: JN1-03-16-7-10-17/23 od 30.10.2023. godine, koji istovremeno predstavlja i izvještaj o radu te sadrži preporuku o izboru najpovoljnijeg ponuđača.

U postupku prema Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovorajuće zapisnike, u kojima je utvrđeno slijedeće:

- da je ukupan broj pristiglih ponuda 1;
- da su blagovremeno zaprimljene 1 ponuda;
- da neblagovremeno zaprimljenih ponuda nije bilo;
- da je ponuda ponuđača LOGOSOFT d.o.o. Sarajevo prihvatljiva

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu s kriterijima iz tenderske dokumentacije.

U postupku ocjene provedenog postupka, Kolegij Sekretarijata nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, internim aktima i tenderskom dokumentacijom.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavku da ponuđača LOGOSOFT d.o.o. Sarajevo izabere za realizaciju Javne nabavke robe – Autentifikacija logon/logoff kartica za potrebe Parlamentarne skupštine Bosne i Hercegovine, te odlučio kao u dispozitivu Odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

DOSTAVLJENO:

- LOGOSOFT d.o.o. Sarajevo, ul. Grbavička br. 4, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____